



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
*manè discutienda, in Scholis Medicorum, die Jovis 16^a
mensis Maii, Anno Domini M. DCC. XLIII.*

M. JOANNE-BAPTISTA BOYER, Consiliario
Medico Regis ordinario in Senatu Parisiensi, & Cen-
fore Regio, Doctore Medico, Præsiede.

An gravidis aqua potus?

I.



Æ sunt Medici leges officii, ut non tantum amissam restituat san-
nitatem, verum etiam præsentem conservet. Sanitatis integritatem
efficit fluidorum cum solidis æquilibrium, sive, quod idem est,
sphæræ sanguinis ipsiusque motus, cum diametro ac renitentia va-
sorum, iusta & adæquata proportio. Quæ si detur, purpurei la-
ticis circuitus indefinenter & facile perficitur: unde functionum
omnium proindeque sanitatis integritas. Hujus conservatio à recto & legitimo sex
rerum non naturalium usu procedit, Sic ær, quo illæsus homo diu carere nequit,

A

ed est salubrior, quo purior temperatiorque. Nocet è contrariò, si minùs purus & temperatus sit, aut debito elatere destituatur; imò maximè nocet, sæpissimèque mortem procreat, si venenatis miasmatis inficiatur. Moderata corporis exercitatio firmiorem reddit sanitatem: immoderata debilitat. Diurnis laboribus defatigata corpora blandâ quiete levantur; desideriori vitâ torpescit sanguis, crassescunt humores, obstructions generantur in partibus, secretiones impediuntur; vigiliis immodicis dissipantur spiritus, exsiccantur solida, fluidaque corporis. A somno diutius protracto obruuntur vires; sicut à moderato & consueto reparantur. Jucundis animi pathematis mens fit hilarior, blanda fovetur sanguinis fermentatio, hinc uberius secernuntur spiritus expeditiusque ad totius corporis partes fluunt. Mœrore & tristitiâ ex adverso imminuitur fermentatio, spiritus in cerebro retinentur. Per varias secretiones & excretiones continuò depauperatus sanguis, quotidie cibo & potu reficitur. Uterque ed salubrior, quò simplicior. Uti cibus multiplex, ita quoque in usu familiari diversæ usurpantur potiones, ex quibus eam salubriorem dixeris, quam puriorem, particulisque heterogeneis minùs onustam ac sanitati magis idoneam experientiâ comprobaveris. Hanc prægnantibus præscribere ne immeris. Innumeris quippe, per totum graviditatis curriculum, afficiuntur incommodis, quæ sin minùs omnino purioris & simplicioris hujuscè liquoris haustu levaveris, mitiora saltem reddes.

I I.

QUÆ utero gerentibus superveniunt symptomata, ab ipsâ conceptione ut plurimum invadunt. Horrores enim & rigores statim per sentiunt; tristes & ad motum tardiores deprehenduntur; variis exinde affliguntur incommodis; inter quæ ut plurimum primas tenet menstrui sanguinis fluxus suppressio, mox anxietates, frequens animi deliquium, cordis palpitatio & subsultus, cardialgia, nausææ, vomitusque suboriuntur; insurgit cibi fastidium, anorexia, pica, malacia, absurdorumque appetitus, ita vehemens, ut si prægnantibus quæ adeò expectant, non illicò concesseris, violento quodam æstro percitæ, statim incendant in syncopen, aliaque tam metuenda symptomata, ut præternaturali fibrarum totius corporis succussione excutiantur tandem fœtus; sin autem, horrendis visu ac turpissimis maculis fœdata proles edatur. Tanta est læsæ & perturbatæ matris imaginationis vis! Accedunt insuper tussés molestæ, vertigines, dolores in præcordiis, in stomacho, in inguinibus, & lumbis. Tenduntur ac indurantur marmæ, quarum papillæ lancinantibus divexantur doloribus. His primis graviditatis incommodis succedunt alia in decursu, qualia sunt dysuria, stranguria, loci quandoque suppressio, alvi adstrictio, tenesmus, hæmorrhoides, pedum tibia-rumque inflatio, ac proinde progressio difficilior. Hæc simul omnia interdum patiuntur gravidæ, quæ sedare si tibi sit animus, cum ubique & nimia vasorum inertia, sanguinis crassities ac lentor, fermentorumque summa rigiditas & acuties arguatur, ad aquæ potum confugas; ab ea enim laxantur firma nimis vasa, exliccataque flexibilia redduntur, fermentorum rigiditas & acuties obtunditur, sanguini fluiditas conciliatur, atque hujusdem progressivus augetur motus.

I I I.

EX diversis hucusque enumeratis accidentibus, alia, ut jam diximus, cum ipsâ conceptione ingruunt, eamque sæpissimè indicant. Aliis mediis tantum graviditatis mensibus subortis, penitus confirmatur. Hæc ultima incremento fœtus, mole & pondere vicinâs, quibus adjacet uterus, partes & vasa comprimentis, adscribere ne recuses: prima verò aliundè deduxeris, ab inquinatâ nempe & in-

versâ humorum omnium diathesi, ex auræ feminalis mixturâ. Sanguinem igitur cogi & inspissari à partibus salino acidis sulphureis auræ feminalis, inconcussæ veritatis tibi præbent argumenta frigus, horrores, rigores statim à prospero congressu invadentes. Quia sanguinis motus circularis, in quo consistit calor, immittitur. A sanguine coactio serum facile secedens acidis, quibus refertur, spiculis membranosas partes vellicat, tendinosasque convellit; non absimili ratione quâ horrores & rigores in febribus intermittentibus superveniunt ab acido salis foemalis febrilis in sanguinem proventu. A coactio iterum sanguine & viscidiori, spiritus ejusdem indolis pariori copiâ generantur. Horum penuriâ & qualitate solidorum fluidorumque motus seigniores evadunt: stagnant igitur humores. Hæret in partibus sanguis, & spirandi difficultatem infert, si hærens in pulmonibus, eorum vesiculas ita premat, ut solitus aëris ingressus denegetur; sin autem ab hac eadem causa ita distendantur arteriæ, ut resiliant, sanguinemque versus cor repellant, palpitatione inducitur; syncope verò, si præ nimia sanguinis crassitie & vasorum inertia, eadem quâ propellitur velocitate è dextro cordis thalamo, ad sinistram non revehatur. A saliva viscidiori involvuntur nimis fapidæ alimentorum partes, vel non satis extricantur, ergò nullus in ore sapor, nili ingratus; unde cibi fastidium. Fermentum ventriculi à natura sua prorsus alienum, ipsum non amplius ad famem stimulat, ingesta alimenta, ob ipsius fermenti lentorem & visciditatem, moram in eo trahunt, salium evolutione pravam concipiunt fermentationem, in cacochyliam acidam vertuntur. A nidulante in ventriculo saburra læscitur membrana ipsius nervosa: hinc, pro majori vel minori irritatione, modò cardialgia, modò nausæ suboriuntur, vomitus denique, si tanta fuerit irritatio, ut spiritus reflectantur in fibras diaphragmatis & musculorum abdominis, & inde in simultaneam adigantur contractionem. Quoniam pro ratione majoris molis, corpora majorem quoque suscipiunt motus quantitatem, facile concipies cur ex violentis animi pathematis tanta sequatur fibrillarum totius corporis succussio, ut fœtus plerumque excludatur. Hæc symptomata liquoris aquei potu saltem mitigari posse indicant, ipsæ aquæ virtutes, & plurimarum gentium consuetudo.

I V.

AQUA omnibus potionibus simplicior, à supremo rerum omnium Conditor, pro unico potu, in ipso mundi principio hominibus concessa videtur. Cæteris ergò omnibus voluptatis causâ inventis longè præstantior. Hic & illic occurrit in omnium animantium commoda: aliam tamen aliâ salubriorem dixeris. Putealis stomachum gravat, ideoque cruda censetur nimis, quia partes ejus nec agitæ, nec Solis calore subactæ, crassiores remanent. Lacustres & palustres perpetuò tenuiorum partium jacturam patiuntur, defectu tandem motus, non ex æquo defæcantur, idèò insalubres arguas. Fontanas & fluviales cæteris præstantiores agnoscas, quarum partes, pro longiori ab origine tractu agitæ, magis & magis etiam atteruntur, ac dividuntur, partibusque heterogeneis exonerantur, puriores ac proinde stomacho minùs insensæ sunt, ut quotidiana demonstrat experientia. Exilissimæ etenim sunt partes aquæ, unde facillimè omnia madefacit corpora ac permeat. Rigidiora laxat solida, atque fervidiores humorum æstus compescit. Linguam, palatum, ac aridas nimis imas fauces alluendo, sitim extinguit, alimentorum in ventriculo divisionem promovet, chylique ulteriori elaborationi plurimum confert, Humores diluit, & demulcet, salia eorum exuperantia dissolvit, ac per consueta naturæ incernicula secum abripit. Uno verbo, sanguini fluiditatem conciliat, ac motum ejus fovet progressivum. Tot tantæque quibus pollet virtutibus aqua, firmiorem ominantur valetudinem, & adversus morbus acu-

tos epidemicæque grâssantes, remedium tibi pollicentur prophylacticum eximium. (a) Quæ omnia prægnantibus aquæ potum salubriorem arguunt cum præter modò præfata quibus afficiuntur gestationis tempore, incommoda, febribus acutis, malignis, phlegmonodeis, variolis, & morbillis sint obnoxia, quæ utero gerentibus ut plurimum lethales evadunt, teste Hippocrate: (b) ex eo quod, præ-abortus formidine, solita quandoque non suppeditentur auxilia, ut sunt venæ-sectiones repetita, quæque sapissimè, ex naturâ morbi aut partis affectæ, in malleolo indicatæ, minimè tamen celebrantur, ne nimia humorum in uterum fiat derivatio: unde factò majori sanguinis in uterum confluxu, abortus maximum imminet periculum. Triste ergò vel funestum instituas præsagium, quoties morbis acutis corripuntur prægnantes. At sibi gratulentur, cum ipsis præsto sit aqua; cujus potu & sævientia sedare incommoda, & minitantes morbos avertere queant.

(a) DD. Geoffroy, *Facult. Decan. in elegant. Thef. an saviens. pest. aqu. 1721?*

(b) Hippoc. *Aph. 30. scd. 5.*

V.

EX quò vinum hominibus innotuit, illecebrofi illius liquoris usus, velut alterum contagium, de regione in regionem ita perpsit, ut quibus in locis deficeret, congenere illi liquores ex variis fructibus educere conati sint. Quæ hodie in usu familiari usurpantur, ex hordeo, frumento, avenâ, pomorum pyrorumque succis eliciuntur. Quæque tamen ut conficiantur, fermentationi committi debent, ut sulphureis terrenisque partibus intricata prius principia evolvantur. Peractâ tandem fermentatione, liquorem habes ex subdulci maximè flagrantem. Sit tibi vinum in exemplo, quod si degustetur, arridebit quidem multorum palato, si intus assumatur, totius illicò corporis calorem intendit, & vires refocillat. Unde verò tam subito oriantur effectus? Ipsa te edocebit vini analysis; partibus enim quibus abundat sulphureo-volatilibus, adaugetur sanguinis fermentatio, solidorum accelerantur oscillationes, quia vellicantur stamina nervea: atque sic partium omnium motus fit intensior. A vividiori fermentatione dissipatur serum sanguinis; undè crassior factus, ejusdem indolis suppeditat recrementa: quæ, præ suâ nimâ crassitie, ad munia sua obeunda minùs habilia evadunt; quot exinde subnascantur mala nemo nescit. At ab aquæ potu nullum ex his sequitur incommodum; undè prægnantibus mulieribus, quarum nec etiam levissimi morbi periculo vacare possunt, saluberrimi illius liquoris usum præscribe. Sicque feliciorum partum, generosiorumque prolem non imprudenter ominaberis. Quam verò difficilè gestationem ferant, & debiles generent pueros, quæ vino spirituosisque potionibus magis uruntur, attentò & libero revolve animo. Ex adverso regiones Orientales perulstra, aliaque in quibus vini usus adhuc ignotus est, vel prohibetur; ibi non modò robustiores & longævos magis viros, sed etiam mulieres, absque gravibus incommodis, graviditatis facillè percurrentes tempora miraberis; undè jure concludes;

Ergò gravidis aqua potus.

Proponebat Parisiis, FRANCISCUS BIDAULT, Parisinus;
Saluberrimæ Facultatis in Universitate Parisiensi Baccalaureus,
A. R. S. H. 1743, à sextâ ad meridiem.